



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-136-5/26**
Datum: **28.04.2026. godine**

«Agencija za vodno područje rijeke Save» Sarajevo rješavajući po zahtjevu Investitora Avdić Muhameda iz Živinica, za donošenje rješenja o vodnoj dozvoli za ispuštanje otpadnih voda sa lokacije objekta – autoservis, autopraonica i vulkanizerska radionica sa trgovinom, izgrađenog u naselju Strašanjski, općina Živinice, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Investitoru, Avdić Muhamedu iz Živinica, daje se vodna dozvola za ispuštanje otpadnih voda sa lokacije objekta – autoservis, autopraonica i vulkanizerska radionica sa trgovinom, izgrađenog u naselju Strašanjski, općina Živinice, na zemljištu označenom kao k.č. broj: 214/2 K.O. Živinice grad, općina Živinice.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole, obezbjeđuje da se oborinske vode sa platoa, radnog i manipulativnog prostora, te tehnološke vode iz autopraonice, nesmetano prikupljaju sistemom slivnih rešetki i kanalizacione mreže i odvođe do objekata predviđenih za tretman otpadnih voda (taložnik i separator masti i ulja) sa prelivom u zacjevljeni kanal uz magistralni put Tuzla-Sarajevo, sa konačnim ispuštanjem u rijeku Spreču.
 - 2.3. Prečišćene otpadne vode moraju ostati u maksimalno dopuštenim granicama definiranim članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.4. Objekte čija je svrha odvođenje i prečišćavanje oborinskih onečišćenih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 2.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovno ispitivanje kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 2.6. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.

3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13. tabele, te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
4. U periodu važenja ove dozvole, korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta bilo kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 117. stav (1) i članu 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor, Avdić Muhamed iz Živinica, dana 01.04.2026. godine, podnio je zahtjev za izdavanje vodne dozvole za ispuštanje otpadnih voda sa lokacije objekta – autoservis, autopraonica i vulkanizerska radionica sa trgovinom, izgrađenog u naselju Strašanj, na zemljištu označenom kao k.č. broj: 214/2 K.O. Živinice grad, općina Živinice.

U provedenom postupku dostavljena je i pregledana sljedeća dokumentacija:

- Kopija lične karte,
- Dokaz o uplaćenju upravnoj taksi,
- Kopija Rješenja o upotrebnoj dozvoli broj: 05-23-4780/16 od 09.01.2017. godine izdata od strane Službe za prostorno planiranje i komunalne poslove, Općine Živinice,
- Kopija fiskalnog računa BF: 76454 od 06.03.2026, izdat od strane JP „Vodovod i kanalizacija“ d.o.o. Živinice za rad wome – crpanje i čišćenje kanalizacije,
- Kopija Rješenja o vodnoj dozvoli broj: UP-I/25-3-40-092-4/17 od 15.06.2017. godine, izdatoj od strane Agencije za vodno područje rijeke Save,
- Kopija Izvještaja o monitoringu kvaliteta i kvantiteta otpadnih voda broj: 7-231-2874/26 od 08.04.2026 (predat tokom uviđaja),
- Glavni projekat Poslovni objekat „Strašanj“ Živinice na parceli k.č. broj 214/2 K.O. Živinice – snabdijevanje vodom, odvodnja sanitarno-fekalnih, tehnoloških otpadnih i površinskih voda, urađen PGP Hidroinžinjering d.o.o. Tuzla, januar 2013.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je

obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-136-2/26 od 16.04.2026. godine.

Na osnovu dostavljene dokumentacije i uviđaja izvršenog na licu mjesta, utvrđeno je sljedeće:

- Predmetni poslovni objekat izgrađen je u naselju Strašanj, uz magistralni put Tuzla–Sarajevo. Na predmetnoj lokaciji nalazi se objekat u kojem su predviđeni sadržaji autoservisa, vulkanizerske radnje, prodavnice autodijelova, kancelarijskog prostora i autopraonice. Prilikom prvog uviđaja, izvršenog u postupku izdavanja prve vodne dozvole, objekat nije bio u funkciji. Tokom uviđaja u postupku izdavanja ove vodne dozvole utvrđeno je da autoservis, vulkanizerska radnja i prodavnica autodijelova nisu u upotrebi, dok je samouslužna autopraonica u funkciji. Također, dio objekta koristi se kao apartmanski smještaj.
- Oborinske onečišćene vode sa pristupnih puteva i manipulativnih površina, kao i tehnološke otpadne vode od pranja vozila, se sistemom betonskih kanala sa rešetkom i sistemom kanalizacione mreže prikupljaju i odvođe zajedno sa oborinskim vodama sa krova objekta na tretman u taložnik, a zatim u tipski separator ulja i masti. Preliv iz separatora odvodi se, preko okna za monitoring, u zacjevljeni kanal uz magistralni put.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva rješenja propisani uslovi u skladu sa odredbama članova 53. i 116. Zakona o vodama, članova 12. i 13. Pravilnika o sadržaju, obliku, uvjetima, načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije. Konstatuje se da je podnosilac zahtjeva Avdić Muhamed ispunio minimum uslova za izdavanje vodne dozvole za ispuštanje otpadnih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-136-3/26 od 17.04.2026. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama Zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Senida Džajić-Rghei, dipl. inž. građ.

Po ovlaštenju:
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- „Avdić Muhamed, Magistralni put BB Strašanj, 75270 Živinice (Prilog: Glavni projekat poslovni objekat „Strašanj“ Živinice, januar 2013.)
- ⊖ AVP Sava, ISV-vodna knjiga
- Sektor 50
- Sektor 40 – arhiva
- oglasna ploča – AVP Sava